

背山面水自是水北流矣由故城西北行三驛過畢里訖都乃弓匠積養之地又經一驛過大澤泊周廣約六七十里水極澄澈北語謂吾悞竭惱兒自泊之南而西分道入和林城相去約百餘里泊之正西有小故城亦契丹所築也由城四望地甚平曠可百里外皆有山山之陰多松林瀕水則青楊叢柳而已中即和林川也居人多事耕稼悉引水灌之間亦有蔬圃時孟秋下旬麻麥皆槁間之田者云已三霜矣由川之西北行一驛過馬頭山居者云上有大馬首故名之自馬頭山之陰轉而復西南行過忽蘭赤斤乃奉部曲民匠種藝之所有水曰塌米河注之東北又經一驛過石堠石堠在驛道旁高五尺許下周四十

餘步正方而隅巍然特立于平地地形甚奇峻遙望之若大堠然由是名馬自堠之西南行三驛過一河曰唐古以其源出於西夏故也其水亦東北流水之西有峻嶺嶺之石皆鐵如也嶺陰多松林其陽帳殿在焉乃避暑之所也堠中秋後始啓行東由驛道過石堠子至忽蘭赤斤

山名以其形似紅耳也

東北迤邐入陀山自是且行且止行不過一舍止不過信宿所過無名山大川不可殫紀至重九日

王師麾下會于火矛帳灑白馬漣修時祀也其什器皆用木樺不以金銀為飾尚質也十月中旬方至一山崦間避冬林木甚盛水皆堅凝人競積薪儲水以為禦寒之具其服非毳革則不可食則以羶肉為常

粒米為珍比歲除夕輒遷帳易地以為賀正之所日
大宴所部於帳前自

王以下皆衣純白裘三日後方詣大牙帳致賀禮也
正月晦復西南行二月中旬至忽蘭赤斤東行及馬
頭山而止趨春水飛放故也四月九日率麾下復會
於大牙帳灑白馬湏什器亦如之每歲惟重九四月
九凡致祭者再其餘節則否自是日始回復由驛道
西南往避暑所也大率遇夏則就高寒之地至冬則
趨陽暖薪木易得之處以避之過以往則今日行而
明日留逐水草便畜牧而已此風土之所宜習俗之
大畧也僕自始至迨歸遊於
王庭者凡十閱月每遇燕見必以禮接之至於供帳

衾褥衣服飲食藥餌無不致其曲則

眷顧之誠可知矣自度衰朽不才其何以得此哉原
王之意出於好善忘勢為吾夫子之道而衰設抑欲
以致天下之賢士也德輝何足以當之後必有賢於隗
者至焉因紀行李之本末故備誌之戊申夏六月望
日太原張德輝謹誌

商司業錄到太常諸雜儀禮

文德殿宿齋儀注差官等

景靈宮行禮儀注差官等

太廟行禮儀注差官等

明堂大禮陞降玉輅儀注

明堂殿行禮儀注

明堂殿星圖

明堂大禮畢紫宸殿稱儀注

明堂大禮畢登門肆赦儀注

明堂升陪事并禮饌差官等

明堂降御劄鑠院并奏告事

明堂大禮修築路道圖

明堂大禮笏記

明堂大禮排日祭祀

明堂降御劄修路教車按輅等年代月日

明堂大禮逐次趨那更點

明堂大禮差五使等官年代例

明堂大禮總差官

頭冠法服樣

玉輅圖 玉輅件段尺寸及太平車

逍遙平輦圖 并尺寸等

太常樂圖 祭器圖

黃麾大仗圖

明堂大禮文武官合着服色等

御龍直執從物圖

明堂大禮鼓吹鷄唱警場圖

明堂大禮樂章樂曲

明堂大禮合降指揮等

明堂大禮為值雨降過生劄指揮例

明堂大禮諸雜事例等

臺灣國家圖書館, NATIONAL CENTRAL LIBRARY, TAIWAN, R.O.C.

明堂大禮祇應并鋪分人數等

熙朝盛典詩

大安輦件段

明堂大禮教象申請事節

計三十七冊曰明堂大禮

景定四年藍大正記

至元三十年三月二十九日商琥錄

宣和鹵簿圖 祀園丘圖 東封泰山圖

監修國史例

忠齋劉承旨說宋朝監修國史宰相初任者謂之開局一月一至院謂之過局至元三十一年甲午七月初四日右丞相完澤受開府儀同三司監修國史右

丞相如故

竇儼水論

周世宗南伐駐驛臨淮因覽唐貞元中泗州大水記詔竇儼論其事儼獻文其畧曰夫水沍所具厥有二理一曰數二曰政天地有五德一曰潤二曰暎三曰生四曰成五曰動五德者陰陽之使也陰陽者水火之本也陰陽有常德故水火有常分奇耦收半盈虛有準謂之通正義倍過亢極無不至謂之咎徵二者大期率有常數除之主始於淵獻水之行紀于九六凡千有七百二十有八歲為浩浩之會當是時也陰布固陽澍雨天下百水臆注漲其通川岸不受餘則旁吞原隰科坎平槩則漂墊方割雖堯舜在上皋夔

佑政亦不能弭其沴也過此以還則係於時政如其
后辟狂妄以自率權臣昧冒以下專政不明賢不立
則苦雨數至潦水積厚然陰陽之數也貞元壬申之
水匪數之期乃政之感也德宗之在位也啓導邪政
狎暱小人裴延齡專利為心陰潛引納陸贄有其位
棄其言由是明明上帝不駿其德乃降常雨害於棗
盛百川沸騰壞民廬舍固其宜也王者苟能修五政
崇五禮禮不瀆政不紊則五日一霏微十日一霖霖
十五日一滂沱謂之時雨所以正五運之制節占象
晷刻無有差爽則神農之世其驗歟世宗嘉之國初
遷禮部侍郎依前學士判太常如故是時祠祝樂章
宗廟謚號皆儼所定撰人服其該博儼冲澹寬簡好

賢樂善平居怡怡如也未嘗失色於僮僕優游文翰
凡十數年著大周正樂三十卷詔藏於史閣其大周
通禮未及編纂會儼卒議者惜之

至元貞元年歲六月十三日宋太祖實錄抄并校勘
無差時開真定野河事甚不便

金史

王父康公定奪

此王狀元先生
時為承旨學士

帝紀九

太祖

太宗

熙宗

海陵庶人

世宗

章宗

衛紹王

實錄闕

宣宗

哀宗

實錄闕

志書七

天文 五行附

地里 邊境附

禮樂 郊祀附

刑法

食貨 交鈔附

百官 選舉附

兵衛 世襲附

列傳

舊實錄三品以上入傳今擬人
物英偉及勲業可稱不限品從

忠義

隱逸 高士附

儒行

文藝

列女

方技

逆臣 忽沙虎

諸王后妃開國功臣在先

書示仲謀王相修史事宜急不宜緩多半採訪竊恐老人漸無費用不可惜當置曆令一人專掌以喚

元裕之蕭公弼奏用銀二千定今即編修書寫請俸

飲食紙割費用若作定撰三五百定都了

採訪文字令言者旌賞隱者有罰仲謀所宜着心

編修且要二員直須選擇 魏太初 周幹臣云

本把合用儒人兼管不宜用他色目如他日同修

編修人來房屋決少目今便合商議起蓋蓋下房

屋都在文廟以後也得用謂如仲謀兼編修徒單

雲甫受直學士兼同修李仁卿學士兼同修胡紹

開年小也宜喚去比至定俸且與批支若家小來

更好都交文廟裏住史事早成其他不預史事者

在於文廟自當退去此明年話也仲謀宜知之書

寫典史雜使以後必須用謂文字未集且定編修

二人若踏逐書寫二名更佳雜使亦不可闕將來
院官不要人使喚
中統一年示

秋澗先生大全文集卷第一百

秋澗先生大全文集後序

先考文定公人品高古才氣英邁勤學好問敏於製
作下筆便欲追配古人騰芳百代務去陳言辭必已
出以自得有用為主精粹醇正非他人所可擬自其
弱冠已嘗請教於紫陽遺山鹿菴神川諸名公愛其
不凡提誨指授所得為多及壯周旋於徒單侍講曹
南湖高吏部郝陵川王西溪胡紫山之間天資既異
師問講習者又至繼之以勤苦不輟致博學能文之
譽聞於遠近其後五任風憲三入翰林遇事論列隨
時記載未嘗一日停筆平生底蘊雖畧施設然素抱
經綸心存致澤桑榆景迫有志未遂一留意於文字
間義理辭語愈通貫精熟矣故學者以正傳名家推

尊之既捐館公孺編類遺藁為一百卷字幾百萬咸謂學有餘而不盡其用者則其言必大傳於後奈家貧無力不能刊播言之盡傷若焚焚在疚恐一旦溘先朝露目為不瞑矣延祐己未歲冬季孫苛方任刑曹即官走書於家取其遺文云

朝廷公議

光祖資善府君平生著述光明正大關係政教嘗蒙乙覽致有弘益堂移江浙行省給公帑刊行以副中外願見之心公孺聞之不勝欣躍因念韓文公為唐大儒學者仰之如山斗其文集自唐至宋歷二百年之久賴柳如京之賢方刻板流傳於世先君去世今纔十五寒暑特蒙

朝廷發揚如是實為希濶之遇予以見聖朝崇儒右文之美光貴千古矣延祐七年庚申正月載生明男王公孺百拜叙書于後

秋澗先生大全文集後序

翰林承旨文定王公衛之名儒秋澗其號也從游遺山紫陽鹿庵神川四先生之門講貫漸磨深造闡域語性理則以周邵程朱為宗論文章則以韓柳歐蘇為法才思泉湧下筆輟數千言星回漢翻韶鳴鳳躍千變萬狀可駭可愕文中巨擘也學古入官敷歷中外內而金馬玉堂外而豸冠繡斧所至有令譽雖公務填咽手不釋卷耽書嗜古天性然也公長子翰林待制紹御嘗集公平生所作分為百卷題曰秋澗

先生大全文集度藏家塾以貽後人繼而有聞於
朝者取而寘之黃閣未幾咨發

江浙行省議鈔諸梓卷帙繁工費夥或者難之庚申
冬檄送本路俾會學廩之贏以給其用命出

省府奉行惟謹矧余與文定居同鄉姓同氏視公猶
父行承乏嘉禾幸獲覩公之遺文又安敢不用情耶
廼命郡博羅君應龍任其責學錄余元第專董其事
仍委蘭溪州判唐泳涯校正擇諸生中能書者重為
繕寫以授刊者工役甫見次第余適叨廣東憲節之
命秣馬就道遂書此以昇禾學刻之卷末云昔至治
改元重光作噩歲清和月古衛王秉彜
秋澗先生大全文集卷第一百終



秋澗先生大全文集附錄

制辭

授翰林修撰

王暉行已無忝博學能文顧超絕之逸才足鋪張於
偉績宜司綸命以贊皇猷可特授翰林修撰同知制
誥兼國史院編修官當振斯文以宣
朕命

封謚

制曰文章與時高下陋乎宋而迨乎唐人材隨世汚
隆尊其官而美其謚僉謂賁戔之信度大茲渙號以
揚庭故翰林學士中奉大夫知制誥同修國史王暉
博學修能雄文逸氣五持憲節誅鉏吏弊而翼植民

先生大全文集度藏家塾以貽後人繼而有聞於
朝者取而寘之黃閣未幾咨發

江浙行省議鈔諸梓卷帙繁工費夥或者難之庚申
冬檄送本路俾會學廩之贏以給其用命出

省府奉行惟謹矧余與文定居同鄉姓同氏視公猶
父行承乏嘉禾幸獲覩公之遺文又安敢不用情耶
廼命郡博羅君應龍任其責學錄余元第專董其事
仍委蘭溪州判唐泳涯校正擇諸生中能書者重為
繕寫以授刊者工役甫見次第余適叨廣東憲節之
命秣馬就道遂書此以昇禾學刻之卷末云昔至治
改元重光作噩歲清和月古衛王秉彜
秋澗先生大全文集卷第一百終



秋澗先生大全文集附錄

制辭

授翰林修撰

王暉行已無忝博學能文顧超絕之逸才足鋪張於
偉績宜司綸命以贊皇猷可特授翰林修撰同知制
誥兼國史院編修官當振斯文以宣
朕命

封謚

制曰文章與時高下陋乎宋而迨乎唐人材隨世汚
隆尊其官而美其謚僉謂賁戔之信度大茲渙號以
揚庭故翰林學士中奉大夫知制誥同修國史王暉
博學修能雄文逸氣五持憲節誅鉏吏弊而翼植民

彙三八詞林敷潤

皇猷而表章

帝典進承華之昭鑑恢

儲聖之良規觀其遺書蓋抱經綸之志詢夫成績豈徒黼黻之才惟治朝著祭之是稽繫晚生斗山之所仰式適歸而請老遽興歎於云亡嗟彼壽耆議斯節惠於戲有斐君子何盛德之可忘無競維人尚裕昆之克紹肝璽已朕魂魄猶強可贈翰林學士承旨資善大夫追封太原郡謚文定主者

皇帝聖旨裏中書省御史臺呈據監察御史呈切見故翰林學士秋澗王文定公文才博雅識見老成乃中州之名士也頃在翰林暨居臺察觀其因事匡時立言傳世未嘗不以致君澤民為心端本澄源是務進呈承華事略蒙裕宗皇帝嘉納俾諸

皇孫傳觀弘益良多近日又蒙

聖上特命張司農等再行繪寫以賜

東宮若非深有可取豈能如是哉即係

兩朝御覽珍重文集又有元貞守成事鑑中堂事記烏臺筆補玉堂嘉話并其餘雜著光明正大雅健雄深皆出於仁義道德之奧裨益政務有闕風教

足爲一代之偉觀故追贈制詞有云觀其遺書
蓋抱經綸之志詢夫成迹豈徒黼黻之才惟
先朝著祭之是稽緊後生斗山之所仰其子太常禮
儀院司直公孺編類成書計一百卷字幾百萬家
貧不能播刊無以副中外願見之心翰林國史院
已嘗爲言未蒙定奪若依祕書少監楊桓六書統
郝奉使文集例具呈都省移咨江浙或江西行省
於學田子粒錢內刊行昭布諸路學校以示後進
非惟儒風有所激勵寔彰

聖朝崇儒之盛事也具呈照詳得此送據禮部呈照
到郝文忠公例著述陵川文集一十八冊三國志
三十冊已經具呈都省於江南行省所轄儒學錢

糧多處就便刊行去訖本部議得翰林學士王秋
澗文集合准監察御史所言比依郝文忠公例移
咨江浙行省於儒學錢糧內就便刊行相應具呈
照詳得此照得郝文忠公文集已咨江西行省委
官提調如法刊畢各印二十部裝褙完備咨來去
訖今據見呈今將秋澗王文定公文集隨此發去
都省合行移咨請照驗依上施行須至咨者

右咨

江浙行中書省

王翰林文集

年 月 日

諸賢慶壽哀挽詩 并序

壽七十詩卷序

翰林學士知制誥同修國史秋澗王公自

文聲予方弱冠時人有持公詩文至公平者予讀之
以未及識面爲恨中統建元始遂願見未幾 被召
至京師時一款接情相好也既而予求養 成

契濶至元十二年予應奉翰林文字復 歲公入爲

待制玉堂多暇日得考古論文知其所未知聞其所
未聞爲樂可勝旣哉予賦分涼薄公尋又舍去出貳
提刑按察雖聲問數相及十五年間僅一再會晤迨
予移疾返鄉里而公膺

璽書之召予亦蒙誤

恩趣還寓舍頗相遠自非公集率不得相過 用
惘然公長予六年今平頭七十神明不衰事理至精
熟下筆作文不減平昔至其論古今利害援引 據
有條不紊每賓友期集未嘗後約而至步履輕便不
事杖策行且曳之而鏗然作聲院屬聞之知爲公
矣少日多飲酒近歲浸復不喜遇良辰嘉會驩得意
適猶能滿引舉白至數杯不亂子賢孫孝以學問世
其家晚景泰然順適所欲壽祉方隆未有涯也予著
作公孺置酒爲具稱觴上慶諸公例作詩稱頌予謂
公孺言七秩之壽未足爲君家公賀也申公膺東帛
之招衛武公作詩歲警之曰會當副士林之望是席
也姑爲贊詠張本云元貞二年夏五月東平李謙序

詩

閻承旨

七十人生福壽隆耆英鏡入畫圖中耆英會七靜吟

秋澗雲泉綠安步花磚曉日紅玉樹芝蘭方秀發詞

源筆力愈清雄鹿庵慎獨傳芳派會見遐齡繼兩公

王瓠山

文衡始字文康公敬齋鹿庵聲望隆共城三正稍後
出秋澗早直蓬萊宮升華屢赴延英召下筆咸推言
語妙邊臣獎諭相臣麻百粵三韓同答詔烏臺初立
公選掄輟之持憲持益伸宗祐不嚴考工罪忠言疊
疊達楓宸繡衣山東又河北民不媮浮吏姦戢累牋
進上春宮圖玉裕淵冲垂典則出處平生唯自足使

節何堪上閩蜀搜窮學海思
道瞻練多世事機圓熟
天朝養賢恩禮殊中統而後元
貞初東門賜金開祖
幄西園束帛隨徵書重來地尊
年未老積行彌中外
敷藻鈎深輯略手編研謹而月
之仍細考共山不煩
頻勒移耆英今日非公誰九十
司徒昔嘗有康強七十
十歸豈宜晚生幸際扶搖便前
輩風流親接見中州
元氣三數公介壽同饗公堂燕

楊損齋

方平家世有公賢三壽纔行七
十年秋澗未容歸舊
隱瀛洲方且會群仙向來政事
流遺愛此去文章論
正傳我幸巷南瞻巷北時時訪
問得周旋

陳北山

秋澗山翁年七十五色筆頭百
鈞力應龍淵潛忽天
飛白日湧雲轟震瀆東雨止風
亦霽萬頃淪漪舞
秋碧真書透紙錐畫沙行草入
神綰驚蛇胃中政有
不平事搦管一掃無邊涯平生
六籍不去手刊落枝
葉收菁華世無公是有公器跳
出百家成一家癸巳
之秋皆赴召晚生何堪從諸老
長楊館裏共瞻
天承明廬中同視草別公南去
五閱春邇來拜公情
更親公雖引年乞謝事看公神
觀老益振當年上壽
客滿座奉觴迭起為公賀犀軸
綺語光陸離紙尾挂
名惜欠我八十行及李東軒九
十會到鹿菴年願從
期願數滿千我亦預脩長生篇

王鹿泉

早歲聲華便軼群學優不輟向來勤
西宮垂顧逢千載三世讀書萃一門
蘭省柏臺留謹論玉堂金馬煥雄文
平頭七十無多賀會見諸孫子
又孫

故翰林學士秋澗王公哀挽詩序

內翰秋澗公謝事之明年終命於家春秋七十八寔
大德甲辰六月辛丑也儼聞之悼心失圖彌日曩自
幼挹公盛名知衛有三王與吾魯有四傑並嘗求其
所爲文諷誦之愛其氣格雄拔不窘近世繩尺每以
不獲樞衣趨隅一問津焉爲疇昔恨既而公提憲山
東按部過鄆始遂一拜履絢輒辱折行輩以待聽其
論說古今文字淵淵浩浩有源有委如法家議獄絲

髮不容少貸一歸公是而止使人冑中之滓都盡嚮
來辦香於是爲贈爾後參商相望瞻拜弗獲徒有江空
歲年晚之歎壬辰同被
召詣公車入見

世祖皇帝于上林苑癸巳又同拜
北扉之命甲午抑又同在史局纂修
世祖皇帝實錄幸哉日得聆警效備準誥惠教弘多
尋儼移病歸及再入奉常公已登七秩矣迺出諸名
勝賀章見示且命追補前作爲賦七言長句公過爲
擊賞辛丑拜章引年甚力朝議以公

三朝耆宿特

命進秩二品且授子公孺鄉郡府推以便養仍官孫

寄祕書郎以寵其歸

恩至渥也。比哀問至京師，縉紳之流皆失聲相謂曰：王堂東觀寧復有此翁邪？往往見之，哀誅是則哀生文邪？文生哀，詞之有七哀八哀，豈容已邪？一日公孺走書，需予引篇首儼以公宏才碩學，揚歷清華，殆四十年，其事業顯著人耳目之表，庸何俟贅言哉！惟公嗜古力學，凡所未見書訪求百至，必手爲謄寫，光大尤篤，視盛孝章爲無讓。平生詩文幾四千篇，雜志總八十卷，方易箒始，停筆其勤可謂至矣。其振耀來世宜矣。嗚呼！儼從大人先生遊，能幾時？乙未紫山胡公卒，丙申苦齋雷公卒，祇惟公一人焉。今又卒，嗟後生小子於何考德問業焉！少陵所謂長嘯宇宙間。

高才日凌替，豈不重可哀。耶乃擬楚騷之亂，以抒余哀。其詞曰：

太行壁天兮，橫亘坤維。篤生偉人兮，企其齊而鞭赤龍。兮駕白霓，凌倒景兮滅沒。其可追跡，決雲漢兮黼黻。明時渾渾灑灑兮，孰闕端倪。倪雄喙一鳴兮，喑萬壑。溘塵埃野馬之一瞬兮，浩江河之獨馳。嗟形旣而神往兮，逝者如斯。與造物者爲徒兮，萬萬古猶一暮。大冠如箕兮，珮玉陸離。耿音容之在目兮，眇一去而不復來。顧四方上下安所止兮，雖巫陽九招竟奚爲。諒冥冥或昭昭兮，知邪弗知哀。鐸有詞兮，尚以聲吾悲。

陳儼歛社端拜

學與天淵博，名隨事業新。文章早無敵，字畫晚逾神。

冥躅追前哲遺芳澤後人獨憐秋澗月猶照玉堂春

劉敏中欽社書

司馬凌雲氣逼真廣川精學道為隣文章館閣三朝
舊富貴兒孫八十春醴酒常存沾講舌

內帑特賜表詞臣歸來勘破浮生夢白玉樓成筆愈
神

劉懋頌首上

文章字畫世爭傳四海飛聲自早年冠豸一方驄馬
使腰犀二品玉堂仙承家素學兒孫貴謝事清朝壽
福全零落山丘懷謝傳西川門道獨潛然

王德淵載拜

儒林宜有傳汗竹藹餘青筆陳如飛電詞源若建瓴
方登群玉府遽憶湧金真欲扣平生學撞鐘愧寸莛

疇昔聞淇上三王藉有聲共推天下士獨擅斗南名
吾道光昭代斯文屬老成玉堂佳話在一讀一傷情
中統文明治都司政事堂寵分鰲禁燭名重柏臺霜
空谷藏遺稿餘哀寄挽章鳳毛今有子染翰侍

君王

劉賡辦香書上

嗟哉秋澗公立志恒矯矯文章尤苦辛傑出千仞表
公之莖仕初庶務猶草草每以正自期臨事無大小
閨中憲節回淇上風煙好徵書下九天鑿坡須故老
一旦幡然歸群情惜其早餘慶及後裔心事粗能了
生平英靈氣因風入冥杳明月太行顛詩名同皎皎

王約頌首

德業中朝望文章蓋代名誨人循善誘接物極推誠

春露傳家記洄溪別墅銘歿寧無少恨三世荷

恩榮

表弟韓從益再拜

縱橫筆陣知無敵如將井壇拜韓白先登劇壘特勇
夫投石翹閔之風格黃金端可鑄鳩夷生困強吳霸
全越文場自有萬人英豈尚虛浮棄真寔唐興繼代
重詞科往往篇章見家集世衰鼠尾競喧啾天下幾
人能事畢王公才敵異徹侯悄焉夜壑藏虛舟倏焉
有力負之去不讓橫槊劉并州勢如偃屋建瓴水熟
如平地馳輕翰味如調羹夏鼎鬻温如噐琢崑山璆
平生無意修邊幅文室凝塵勝華屋詩腸耿耿少陵
心經苟便便孝先腹旁冠繡斧滌源清視草判花隨
意足南歸鄉里未揮金寂莫荒阡竟埋玉獨存秋澗

大全文來者相傳誦芬馥

至大改元春三月望

日洛客暢師文再拜

束髮耽經晚益勒平生精力盡斯文

先朝十老今餘幾當代三王獨數君李賀屢煩韓愈
駕羊曇空阻謝安墳玉堂寥索人何在落日淇川滿
白雲

濟南張養浩拜手

大元故翰林學士中奉大夫知制誥同修
國史贈學士承旨資善大夫追封太原郡公
謚文定王公神道碑銘并序

皇慶壬子歲

朝廷推恩舊學贈先考中奉府君翰林學士承旨資
善大夫追封太原郡公謚文定先妣推氏追封太原
郡夫人眷恤隆渥上及二代明年春正月丙午焚黃
祭告寵賁松檟越王氏有煒是用追述先公立身
行道致茲顯揚者敢昭告於神道先公諱暉字仲謀
世家于衛魯祖諱經隱居讀書鄉黨化其德謚文元
先生曾祖妣呂氏臨清大家祖父諱宇亡金衛州刑
曹孔目官精於文法官敦武校尉用公貴贈集賢侍

讀學士大中大夫追封太原郡侯謚敏懿祖妣孟氏
諱氏並追封太原郡夫人顯考諱天澤資剛明決科
律學魁多士亡金忠顯校尉戶部主事中年折節讀
書務教子起宗所交皆海內名士易名文通先生用
公貴贈正奉大夫大司農卿追封太原郡公謚莊靖
顯妣靳氏追封太原郡夫人先公幼有至性勤學好
問若飢渴然弱冠受教于鹿菴王公詩文字畫已有
聲紫陽遺山一見為指授所業期以國士楊西菴曹
南湖高吏部徒單顯軒愛其材器折行輩與交極口
為延譽中統建元左丞姚公宣慰東平辟充詳議官
尋被中書召特授翰林脩撰同知制誥兼修國史院
編脩官制詞有行已無玷博學能文顧超絕之逸才

足鋪張於偉績之旨士論榮耀焉一時詔制辭命皆
出其手共稱敏贍既而兼中書省左司都事建言曰
廟堂出治之源今機務草創當究其本末先後酌而
行之允焉遇事詳處得宜同列許其明達至元五年
肇立御史臺首拜監察御史獻書曰憲臺執法糾正
邪枉今無法可守取人無路宜講法制以立紀綱設
科舉以取人材體用既明朝廷不勞而肅矣憲察為
首前後申明典制彈劾姦邪凡一百五十餘章切直
敢言不畏強禦於政體多所裨益如劾劉都永怙勢
作姦陷公儲四十萬石權貴為側目九年陞授承直
郎平陽路總管府判官晉大府也先是吏風盛民囂
於訟公用誠敬待官長威嚴肅吏屬作勸諭文二一

則勉飭州縣革弊勒政一則誨告百姓務本畏法致
吏民感化奉約束惟謹歷二考如一日絳兵卒陳姓
者殺同產兄杜獄因繫緩逮繫者三百餘人延滯至
五年之久遠近為憤惋省檄鞠問廉得寔跡一問即
服時晉絳久旱是夕大雨霑足咸謂伸理冤抑所致
各路設辦課官例守門下平陽所轄院務幾百按籍
點差終任不易藩府採姑射山文石藉夫匠力闢山
蹊為坦途者六十里西山伏利由之而出土人刻石
紀其事大起府學敦勉師生傳授暇率吏屬聽講風
俗為之丕變又復回車嶺孔子廟首陽山二賢祠修
建廨傳遞鋪以間計者千數增戶餘三千
敕使過晉者以政績

上聞至蒙奉公勤政之論十三年奉

命同陳節齋考試河南五路儒士語於陳曰吾道如
綫不宜用平時取法凡就試者皆以通文學第之十
四年授翰林待制奉訓大夫鹿菴大學方執文衡屢
稱其文章精妙明年秋選授朝列大夫河北河南道
提刑按察副使改除燕南秩競移山東東西道先公
之任風憲嘗諗僚屬監司職在繩愆糾繆肅清政務
惟自治而後可以治人又憲府非有錢穀詞訟之繁
特明大體布公道事當熟議極乎中正方可服衆惟
克己自勵故按治州郡褻帷惟具瞻有風動百城之目
部內府尹恃占名鷹房恣為不法公納賄賂莫敢誰
何即按劾罪狀以聞蒙杖而黜焉憲臺徧諭諸道遠

近爲肅然冀州監從人因造作括衆利甚夥與監逸去事白曰行司巡歷動經歲時俟獲而治則姦人得計矣質其田宅償其民南宮弭筆者號尹庫因告訐魯蒙賞賚沮嚇官府肆凶侷利或言其擅殺耕牛歷數奸惡痛杖之而死萬口稱快又辨釋德平民劉氏疑獄一十八年除行臺治書侍御史不赴進承華事略於

東宮廣孝立爰端本類二十篇採古儲貳善事前有圖後斷以己意蒙

裕皇徧覽稱善賜酒有極用心纂述之諭令諸皇孫傳觀宮寮稱其弘益良多

聖上命近臣繪寫以賜

東宮二十二年奏充中書省左司郎中屢趣不應時小臣盧以理財用事或問其故曰力小任重剥衆利已未見能久者可近乎既而果敗衆服其識先而有守廿六年授少中大夫福建閩海道提刑按察使甌閩僻在海隅歸附後官貪民殘奄爲盜區黜尤貪惡者數十人乃上章彈劾行省官非其人宜選文武備具有籌策大臣矯正枉濫肅清邊陲則民心服而寇盜息巨賊鍾明亮嘯聚洪閩郊東繫則西逸西逐則東奔彼此玩寇師老無功乃請立主帥尊號令朝廷允焉賊果潰滅廿七年以疾得告北歸廿八年朝廷以耆宿來徵明年二月謁見

世祖皇帝於柳林行宮蒙慰諭久之繼上萬言書條

陳時政一曰議憲章以一政體二曰定制制度以抑奢
僭三曰節浮費以豐財用四曰慎名爵以攬威權五
曰重廉司以勵庶官六曰議保舉以核名寔七曰設
科舉以收人材八曰試吏員以清政務九曰恤兵民
以固邦本十曰復常平以廣蓄積十一曰開屯田以
息遠餉十二曰息遠略以撫已有十三曰感和氣以
銷水旱十四曰崇教化以厚風俗十五曰減行院以
一調遣十六曰絕交貢以示曠度

上嘉納焉授翰林學士嘉議大夫與議政事凡預
庭議知無不言
成宗嗣位獻守成事鑑曰敬天法祖愛民恤兵凡十
五篇逐事真說本諸經旨侍臣謂純正親切有魏文

貞司馬端明之風元貞改元加通議知制誥同修國
史纂修

世祖實錄作表進呈及封謚除拜大典冊皆經定撰
大德元年進中奉明年戊戌春以

三朝舊臣賜楮幣萬緡其年七十請老不許五年再
上章懇請除公孺自祕著司刑鄉郡以便侍養仍官
孫竒祕書郎榮其歸方優游鄉里樂遂安閒不幸於
大德甲辰歲六月辛丑以疾薨于私第正寢之春露
堂享年七十有八越九月己酉葬河西里之先塋夫
人推氏祔焉送葬餘萬人及四方耒弔祭者哭皆失
聲曰五百年那復得此公耶先妣共城人尚醫推公
季女資婉順事舅姑睦嫻親以孝敬聞先公所得俸

給均之家人惟恐失所若稍越規矩即治之如法故皆悅服而不敢犯女侍生二子善加撫育無異已出內助力為多先十八年卒生子公孺奉議大夫知穎州事孫三奇朝列大夫中書刑部郎官次詵詵侃侃高幼女孫二長適昭文館大學士耶律伯強子著作郎楷次適甯氏子重孫五男漢璋德璋潤璋女二皆幼庶子二公儀廕授承務郎同知磁州事公說衛輝路儒學正生子瑣住

先公資明敏正大材器英邁操行純古博學有經濟器業與人交樂易直諫不能詭隨與時俯仰常曰士當明其所學明義達道一以至誠將之窮達得失有不在己者當官持重有體守正奉公表表欲見于世

故所至有聲遇不平事及惡之可疾者憤然必窮治乃己官清要四十年自奉如寒士平生篤於禮義視勢利蔑如藩國世子且貴顯於朝招翰林諸公讌集私覲禮衆議未一曰禮上國卿當下國君遂平揖而已省掾趙和之病疽迎醫救視沒為殯歛以行索付其家友人周曲山能官至廉卒無以葬營治至成禮南官劉文卿善數學客死於衛既周其喪妻少囊珍具甚富求一室相倚以禮謝去其廉正類此少與西溪春山友善時目淇上三王別號王秋澗晚節名德俱重為世尊仰不稱姓字但曰秋澗公作為文章不蹈襲前人要自肺腑中流出平居談話無異於人及操觚染翰經旨之義理史傳之鋪陳子集之英華古

今體制間見疊出雄深雅健辭古而意不晦以自得
有用為主宜乎縮持文柄獨步一時字畫道婉以魯
公為正所書卷帖為世珍玩樂教掖後進明義理工
文章必盡所得又善因材致篤故藉之多顯達者自
少至老未嘗一日不學易篋方停筆平昔著相鑑五
十卷汲郡志十五卷其承華事略守成事鑑中堂事
記烏臺筆補玉堂嘉話賦頌詔誥表啟書疏詩文碑
誌銘贊樂府號秋澗大全文集者一百卷延祐六年
蒙

朝廷公議為之刊播焉富哉言乎其勤篤至矣其振
耀後世宜矣至於論列時務利害互明得失兼著忠
愛情切聞一事可行一士可用必為建白雖未盡行

後竟如所言較其蘊奧見諸行事者纔十之二三故
贈謚制詞有觀其遺書蓋抱經綸之志詢夫成蹟
豈特黼黻之材惟治朝著蔡之是稽繫晚生山斗之
所仰蓋公論云敢用是為銘辭曰

士惟有立

德功與言

能一於此

不朽者存

顯允先公

睠茲克勤

策勲學海

力振斯文

擴我浩氣

塞乎乾坤

手抉雲漢

大放辭源

鴻文大冊

帝載昭宣

人所共知

方駕昔賢

紹韓歐之宗派 得文章之正傳
臣時裨政 人有未知
志存經濟 惟日孜孜
拜章奏記 罔或少遺
有物禁訶 百纔幾施
時耶命耶 而止於斯
載瞻遺稿 爲世著龜
山斗聞望 後學仰規
內相美謚 恤典思推
見諸行事 功止一時
著書傳後 千古是希
孰得孰失 必能辨之

又何俟曠世相感 則吾道爲庶幾
用是昭告 神寧無疑
大行峻極 清泉漣漪
淵峙無窮 永照豐碑

嗣子公孺撰

